

梅

莊

詩

鈔

梅莊詩鈔卷三

甲午

庚庚集下

天津 華長卿 枚宗

哭女詩

甲午

近來歲月易銷磨惟有凋傷骨月多哭罷老親哭嬌女
年年不斷淚滂沱

壬辰七月遭
月次女痘殤

先大人之變癸巳四
年四月長女格又以

疾卒相去
未兩年耳

病容半載苦伶仃刺繡依然手不停我恨庸醫醫誤爾
藥丸鍼灸總無靈

最愛幽閒不厭貧生成瘦骨證前因小窗依舊畱燈影
不見描花繡字人

白楊碧草間黃沙一座新墳小逕斜
擬灌姜家井畔水繞墳開遍女貞花

傷廢宅

有客歸故鄉金珠盈囊橐離家三十載猶識舊城郭
家中子若孫相見皆驚愕爺年已八旬精神倍矍鑠
茅屋五六椽頻遭風雨剝欲慰老人心祇恐難棲託
云有某家宅庭宇頗高廓賤鬻僅千金惜無人揮霍
何不往觀乎老人點首諾爰換新布衣爰躡舊芒屨
出城未半里閭巷殊寂寞廣廈百餘間閑闕尙鬼粵
入門不見人空庭多乾鵲蛛網罥雕窗鴿翎堆畫閣
白晝蝙蝠飛黃昏

狐狸躍碩鼠不避人跳踉驚睡貉高樓勢欲傾灰塵封
鏑鏰枯樹壓頽垣亭榭生藜藿一叢豔豔花無主自開
落老人竚足歎此宅記約略昔屬張太常後歸李文學
文學死無子戚族競相攫妻弟某干牛盤踞恣橫虐回
祿赫然怒一旦咸燒灼基址鬻豪商豪商本姓駱駱姓
我好友總角弟兄若廉值得此宅土木大興作菟裘營
五年擬作終身樂樓閣奐然新金碧交輝爍高軒覆鴛
瓦粉壁塗丹雘窗捲翡翠簾牀設猩紅幕座有九曲珠
園有千年鶴好客慕鄭莊金樽肆酬酢日食費萬錢熱
客來大嚼長夜聞呼盧紅鐙照博買得菊部頭主人

解音樂聘得邯鄲倡主人善戲謔夏日不知暑冰山聚
深壑冬日不知寒煖閣圍鑪酌我亦時往來待我良不
惡自我離故鄉雙鯉沈漠漠後聞路人道及身已落魄
四十三縣鐵鑄不成此錯今我復來此夢境難拋卻舊
時采蓮舟池水今已涸舊時彈琴臺山逕今已鑿倏忽
易數姓髣髴皆如昨言罷重太息涼風動檐鐸

四扇詩同姚菊坪徐沅雲作

諸葛三軍任指揮羽毛能解百重圍快譚如在風中坐
飄泊疑從天外歸握手幾人悲失侶傾身得主定高飛
青蠅瓜上紛紛集驅逐無權素志違

羽扇

冰紈製就白團團遮面宜人掩映看衣錦半生多附熱
受恩一夏不知寒身如明月圓時少涼到秋風見更難
除卻班姬無好詠長門近日淚空彈

紈扇

五萬蒲葵勝素羅昂藏羞向熱中過遭逢青眼提携易
驚覺秋心拋棄多揮暑十年黃透骨搖風九節綠皺波
元規塵起汗人甚障面憑君奈我何

蒲扇

子夜歌成疊扇篇新翻巧樣自朝鮮展從掌上風纔起
抱向懷中月半圓竹削攢成枝个个紙糊飛作蝶翩翩
處囊且莫輕捐棄題徧新詩當綵牋

摺扇

枯魚過河泣

枯魚過河泣。河水流不競。下有泣珠人。能治枯魚病。

館中紅蓮盛開。李曉樓先生招同吳霖宇玉川昆仲小飲。卽席得四律。

綠意紅情不染塵。亭亭水面寫丰神。凌波欲學潘妃步。
顧影誰憐玉女身。幾點怕聽秋後雨。一生常對熱中人。
華嚴世界真成佛。恐有如來來問津。

可餐秀色淨生香。一半濃妝半淡妝。巧對波光迷蛺蝶。
戲拋蓮子打鴛鴦。紅裳掩映含微雨。翠袂褊褰倚夕陽。
欲向西湖尋伴侶。浣紗人已到錢唐。

芳致纏綿問藕絲。太真浴罷倚闌時。薰風陣陣飄香早。

曉日瞳瞳出水遲。鏡裏美人獨含笑。花中君子解相思。
采蓮愛聽歌聲好。不唱桃根唱柘枝。

花光豔豔葉田田。擎露搖風更帶煙。貌似六郎能解語。
枝開並蒂頓生憐。羣芳誰可成香國。此種眞宜號水仙。
不是詩人偏愛詠。前身曾識李青蓮。

送李曉樓先生之任黔陽

人生千里與萬里。仕宦不過遊而已。白頭循吏走黔陽。
天下名山赴眼底。先生綺歲噪京華。文社詩壇許作家。
一曲醉歌燕市酒。十年笑插長安花。長安好結遊俠友。
名重千金才八斗。天潢翹楚學通經。玉檢金泥搜二

酉一行作吏去東萊笑人鄧禹何爲哉夷安父老跂足
望太原公子襦裘來退食委蛇思視膳雙親迎養來花
縣愛民如赤今龔黃海濱畱蔭恩膏徧公暇時上讀書

樓金石書畫精研求數千年物待人出銅印深鐫高密

侯萊州太守

謂船山先生

眞博古先生卓識堪爲伍筆驚風

雨酒鱗生海中波起蛟龍舞署門今有古翟公

謂文泉先生

手摹漢隸羣稱雄恥謁俗吏絕奔競獨與先生交誼同

船山屬吏文泉友旗鼓爭持不龜手酒腸詩膽海樣寬

高譚驚座傾心久一時名望震膠西十幅蠻牋帶醉題

政績清廉稱報遂鸞皇枝上暫時棲不其翠接田橫島

卽墨雲山處處好隨車甘雨有腳春寇君借我惜不早

門牆桃李魯諸生量才玉尺持文衡

戊辰丙子
兩次分校

興頌權

騰來厯下上官拔擢刺東平誰知椿樹凋零速父老攀
轅齊痛哭芒屨破帽走函關五兩清風吹縞服短衣匹
馬歸鄉里稚子候門老母喜出山泉水達臨泉板輿奉
母緇塵起臨泉菽爾萬山開何況公非百里才子賤彈
琴堪臥治蒼生霖雨滿蒿萊匆匆兼攝東敬去大邑紛
華公善馭一朝遽萎北庭萱卅年栽遍甘棠樹先生讀
禮返津門棟宇蕭條松菊存延齡早種南山柏好客常
開北海樽不嫌鰕生性疏曠肯垂青眼施絳帳陳蕃縣

榻待徐穉子雲校字需劉向公子能讀等身書濁世翩
翩玉不如鯉訓夙承三世學驥材好待九年儲先生瘦
骨雲中鶴花甲已周倍矍鑠譚鋒犀利生春風童顏應
服長年藥弓旌忽爾到田間洋川下邑雜羌蠻道塗豈
憚八千里不爲服官爲看山車塵吹送秋風陌厭聽輪
蹄擬泛宅布颿挂起月當頭從今自號江湖客邛溝花
月廣陵潮白門柳色萬千條楚尾吳頭連夏口洞庭落
葉風蕭蕭九谿三峽霜天曉山色重重青未了舟中靜
坐樂琴書沙上閒眠伴鷗鳥君不見隱于耕釣隱屠沽
誰解隱于仕宦途梅福曾作神仙尉絕域堪尋舊酒徒

吁嗟乎牂牁風雪夜郎煙無多鶴俸飲廉泉驪唱休歌
行路難知心一去誰爲憐旗亭杯酒魂黯然此別再見
知何年萬里雲山指顧間海門翹望魚書傳

喜徐楊芝仙來津卽席口占兼慰墨樵芭生

西風吹木葉零落滿蒼苔明月暫時缺故人何處來壯
懷羞覽鏡病骨怯登臺擬醉陶潛酒黃華猶未開

答裴石見贈詩元韻

十載學詩誰識我半生低首獨推君鴛鴦肯把金鍼度
眯眼難尋刺繡紋

鱗鱗星宿快羅胸如水交情澹勝濃儻向騷壇開戰壘

挾矛踈馬願相從

五色文章萬首詩封侯有骨數偏奇
秋風妄上長安策
地下劉蕡是故知

雙飛海燕自翩翩
秋讓黃華一著先
殘夢將醒月初墮
子規叫破武陵煙

貧女

獨有蓬門女偏知歲月長
嬾施殘粉黛愁補舊衣裳
不識金釵色誰憐玉骨香
綠窗甘寂寞羞說富家郎

三十初度述懷

吹墮紅塵已卅年年年搔首問青天
雙親遽爾成千古

一第安能慰九泉夙願難償他日志虛名敢望後人傳
山中從此琴聲絕流水無情去杳然曩學撫琴自壬辰
七月不復彈矣
含山淶水易銷魂循吏聲華北斗尊冰雪頭銜前世凜
詩書手澤至今存青氊家學慙繩祖白髮慈顏愛弄孫
往事酸心譚不得報劉日短負深恩

曾記當年晝荻時挑鐙課讀母兼師九齡莫釋懷中抱
廿載空勞夢裏思墓草暫埋真樂土紙錢常挂最高枝
長城五字言猶在不忍重繙李迪詩先母曾以青
邱五律授讀

萱草凋零椿樹芳雙雙雛燕戀朝陽望成宅相搏千里
愛聽書聲臥一牀搶地輒難驅病豎呼天無處覓仙方

春風重上長安道楊柳依依淚萬行

三入鄉闈俱隨先君子同行

文陣爭誇筆有神士逢青眼志纔伸萬金莫報真知己

謂受知諸師

一飯難忘舊主人冀北馬羣應脫絆嶺南鴻信

盼來賓

余階升師之任粵東久無信至肅齋今科亦未北上

梅花骨格同心少

謂梅

樹君徐楊小梅兩夫子

有許鯁生去問津

聯牀風雨夜鐙紅竹弟

謂筠莊

梅兄意氣同酒膽敢拚三

斗量詩腸曾敵萬夫雄科名自古皆關命書法于今總

不工

學臨漢碑苦不是字

磨墨數升舒尺幅老梅亂寫萬千叢

近復

梅學畫

送客扁舟泛五湖空庭月白一身孤連番快睹新文陣

累日爭邀舊酒徒絕少閒情歌子夜

素喜觀劇兼習南北詞曲自壬辰後

絕迹歌

驟驚噩夢到姑蘇

時間外祖母卒于姑蘇官署

蓼莪旣廢何

堪讀振觸當年陟屺圖

秋聲吹到莽天涯鏡裏頭顱鬢欲華
愁對癡兒頻問字夢尋嬌女倩簪花
欽崎詩思清于水骯髒人情薄似紗
好待揚槌爭樹幟錦標擁起赤城霞

送芝仙之秦中

秋色來海上一鶚乘風搏回首謝凡鳥飛入青雲端託
足貴得地何愁形影單徐君名家子秀骨殊珊珊束髮
事翰墨奇字窮雕鑽萬卷填心胸下筆推波瀾千軍誇

橫掃名震風騷壇初戰恥鍛羽再戰高揭竿佳文誦萬
口美譽延干官折節獨愛我意氣同金蘭百杯訂知己
酒腸海樣寬萬首許同調字字珍琅玕我縣孺子楊夜
雨談更闌君解相如渴肴核傾杯盤秋風鳴得意接踵
騰雲翰孰知丁厄運亦復同剗肝我抱終天恨君失慈
母歡蓼莪不忍讀血淚潮痕乾我方累妻孥君又驅飢
寒陸機曾入洛風急雪漫漫黃河流萬里落日悲風酸
張翰又歸吳霜葉楓林丹姑蘇不可住苦雨飄江干郭
隗復入燕臺鑄黃金完京華不易居俗塵汙儒冠南海
羅夫子當世荊州韓寄書遠招致肯垂青眼看賈生初

入秦華嶽騁奇觀量才憑玉尺彈雀無金丸關中多豪
士母使沈澗磻持身須自愛努力勤加餐缺月澹無色
落葉隨征鞍厭聽懊儂曲休歌行路難此日一罇酒明
日黃花殘知己去天涯青琴不復彈鬱鬱久居此渾如
蛇蛟蟠木凋巢雀警珠亡池魚殫中夜不能寐慷慨獨
長歎何時奮翼去雲路任盤桓善哉隨園叟一語信不
刊天下奇男兒宜早遊長安

畫梅一檜贈芝仙繫之以詩

旁人笑我太塗鴉耐得冰霜是此花折取一枝當楊柳
好隨詞客到天涯

贈楊芭生上舍

禮政

南雁忽飛去。西風生暮寒。海門望明月。之子正凭欄。傲骨病逾瘦。歸心秋更難。酒人遇詞客。有淚莫輕彈。丰采玉峩峩。神仙到大羅。情隨秋葉減。愁比亂雲多。客久黃金盡。功深鐵研磨。雙槐舊庭院。轉盼綠交柯。

菊屏

芙蓉城闕蕊珠宮。可有仙人在此中。秋菊千叢開爛漫。畫屏六曲幻玲瓏。冷香馥郁宜篩月。傲骨峻嶒不隔風。詩句十聯何處寫。硬黃飛白奪天工。

松窗簾枕竹方牀。更有屏風壓眾芳。秋在眼前仍顧影。

人從背後竊聽香飛來粉蝶疑張幄賺得遊蜂又過牆
此下醉眠宜隱士夢魂界斷白雲鄉

隴上作

雙丸去如駛彈指今三年雙親不能見音容隔重泉昨
夜夢府君訓勛子孫賢驚覺兩相失涕泗空漣漣十月
十三日服闋心愴然長卿偕長吉同拜墓門煙東雀噪
不已敗葉飛翩翩寸草戀斜日隨風吹紙錢再拜跪復
起欲語呼旻天府君愛兒篤如何長棄捐地下見我母
別緒悲綿綿我祖及我伯相見裳同褰此情兒不知魂
夢通幽玄近日兒輩狀欲訴言難宣授讀又兩載空被

浮名纏經荒未曾讀荆棘生研田黃金苦難鑄滄海愁
難填磬磬十餘口同居五六椽蕭然徒四壁舊物畱青
瓊阿榮能學語登與成隨肩一子兼兩孫未見心旌縣
阿妹年十二雲髻垂髻髻阿科年九齡識字已數千阿
格與阿五孽病醫難痊一人殤痘疹一人傷虛辱伶仃
兩弱鬼埋首誰爲憐至今想追隨膝下衣爭牽嶽嶽二
叔父患疾皆危顛癘疫一再作喜遇仙方傳疾風吹烈
火茅屋焚如煎大母向空禱撲滅炎威燁驚悸一晝夜
如燭風中旋幸服金丹藥能令遐齡延卽此兩載中家
事幾變遷縷縷敬相告如聽啼哀鵲緇塵汗素衣青鐙

照蒲編漢兵爭拔幟祖生先著鞭兒輩名不就府君難
安眠隴上枯草榮隴頭缺月圓春風馬蹄疾待表瀧岡
阡

短鬢

短鬢不堪搔殘年心更勞功名拋筆研骨肉重錢刀鐙
火照孤枕霜華黯敝袍願乘舟一葉痛哭讀離騷

東桂舫

隱侯文史擅蕭梁咫尺雲泥去故鄉懊惱長安舊詞客
道旁看殺紫薇郎

東裋石

啟門聲剝啄獨有孝先來凍雪墮無迹寒梅勒未開釀
成愛奇癖生就作詩才牢落登樓後長歌賦七哀

骨鑄鐵錚錚逢人說禰衡琴元待知己書豈誤儒生拄
腹成詩窖攻心仗墨兵唾壺敵不碎空灑淚縱橫

破屋透酸風鐙寒焰不紅談兵嗤馬謖問字服揚雄塵
世一枰弈人情三斗葱昂藏腰下劍何日倚崆峒

大蘇耽翰墨

謂心巢

小宋愛吟謳白髮雙親健青氈幾世

畱慙余增馬齒媿爾許龍頭三載論交澹羞言第二流

贈樊鶴州茂才

景皋

南陽有玉樹枝葉臨風香皎皎如明月並照雙鴛鴦樊

侯產沽水閭閻夸金張祖德不勝述鯉訓勤趨蹌垂髫
弄柔翰一目千縹緗麻沙辨金釜奇字探凡將青眼逢
伯樂文戰馳膠庠司戶策太工懊惱槐花黃靈夔一足
別鷺鷥隨風颺擲掄來弱鬼燐火銷冰霜因緣結吟骨
才魄招沅湘旗鼓鬪三軍力敵詩中王初學李長吉歐
血奚奴囊又學李義山獼祭陳鰈鱗千金信可諾八斗
才難量延納到紅友不分青蓮狂如掣三尺劍出匣騰
光芒如駕千里駒脫絆爭超驤賤子鈍且拙寓目經書
忘學詩不成癖字字搜枯腸長城多壁壘力怯偏師當
二十歌泮水廿七賦靈光骯髒長安道馬足春風忙搔

首無所問一一由穹蒼墮世三十年世態羞炎涼編詩
五百首詩債何時償攢眉嬾入社喜逐游俠場君家羣
昆季豔說白眉良亭亭立如鶴顧影頤而長璧人衛叔
寶美女張子房一見意傾倒再見神飛揚我自覺形穢
珠玉況在旁殘年增馬齒媿我十年強交情契金石俠
骨中心藏寄語衆凡鳥啁嘲空成行仰天齊注目獨鶴
高飛翔

海門曲

紫雲千丈衝波起乖龍怒嚇瘦蛟死駭浪搖浴奔海門
轟雷挾日聲魂魂蜃樓碑兀疾風埽蠹殘桃實扶桑槁

黃銅磨盪千萬春，餘腥捲入瑤華島。
怪石鞭碎血倒流，河伯衰耗神王愁。
鮫人大笑珠已盡，夜光亂閃燒星毬。
棄婦行

睚鳩妒死鷓鴣哭，元颺陡斬連理木。
情絲萬縷吹不散，綰地纏天悲蹙蹙。
無夫之婦守空房，有夫之婦走他鄉。
低頭掩面別兒去，兩兒涕泗霑衣裳。
顏色憔悴心難改，亂驅精衛填愁海。
餓骨能直幾黃金，陽春竟有銅山買。
夢魂繞屋青燈孤，餅師恩絕情不殊。
枕衾齷齪小兒叫，腸斷牆東宋大夫。

感懷用袖石韻

孫陽未過馬羣空渴驥誰憐汗血紅交鑄黃金甯貴濫
策逢青眼不宜工家風爭據三分鼎市價偏欺五尺童
封到爛羊如狗賤雪窗伎倆尙雕蟲

送賀星槎入都

驅馬怱怱去風尖凜不勝輪銷三寸鐵河礪一條冰愛
客惟彭澤憐才有杜陵瑯嬛如可到莫負照藜鐙

王曉林以愛客聞良朋萃止室兩椽挑鐙夜話余
亦廁其中同契者得十八人各繫六言短章以
識勿謬

結交歌少年行酣飲酤女兒酒鄭虔吝惜黃金領略此

中樂否

任飲薊

管城有食肉相福時無譽兒癖觥觥說史譚經名士何

多于鯽

解問泉

牢騷非關楚些感慨不繫吳鉤坐上太真失色羞作當

時二流

王介眉

入座無輕詔客應門有甯馨兒俠骨錚錚似鐵逢人豔

說項斯

王曉林

焦遂雄辯高譚荀顗洽聞博古隨風咳唾成珠驅使黃

金如土

王菊農

江淹夢五色筆阮瞻號三語掾拔幟獨領一軍仁看騷

壇鏖戰

姚菊坪

湔于一石亦醉鍾繇八分不書堪號酒仙草聖文人習

氣全除

解秋皋

難兄同入巵序難弟同聽鹿鳴偏與王家交厚亭亭玉

樹雙清

王振青

冰壺三世頭銜金榜十年心血毫端放萬丈光那許儉

父饒舌

姚玉農

落魄似蘇季子豪放如劉伯倫閱盡熱腸冷眼笑他官

鬼錢神

徐沆雲

隱侯擅吟詩癖晉公曰讀書種胸中五岳平填口裏九

河亂湧

沈述之

摩詰詩中有畫輞川畫中有詩天壤復有王郎能以書

法補之

王雪蕉

賦性得桂薑味爲我廢蓼莪篇三軍旗鼓爭鬪一時丁

陸同傳

家葵生

季鷹動秋風興茂先擅博物名食盡螭蜺萬箇文場詞

壘橫行

張鶴卿

白眉誇馬季長青眼遇杜子美京華酒價增高馳逐名

場傀儡

賀星槎

煌煌華胄才多默默吉人詞寡不著文字之中獨得風

流大雅 查挹泉

小蘇酷似大蘇大宋何如小宋願影翩翩自憐懊惱文章有用 解又銘

懷素種蕉學書泉明脫巾漉酒十九人中少年不媿雁行十九 家竹生

梅花

空山滿地起樓臺玉帝殷勤爲我栽乍有香時風引去絕無人處鶴飛來麝枝常挂千年雪老榦猶存上古苔賞到此花歎觀止羣芳雖豔不須開

何必千枝更萬枝園林半樹影離奇愁深此處宜酣酒

春老今年合詠詩數點寒生將盡夜幾人看到不開時
天涯綠葉濃陰滿欲折名花持贈誰

此生修得卽神仙獨與林家有夙緣每到黃昏如對月
不逢青眼盡成煙最宜雪裏兼風裏酷愛山邊況水邊
擬向羅浮尋好夢何人此下正高眠

落落芳蹤早閉門斷橋破屋自成村迷離不辨香侵骨
黯澹猶嫌玉有痕獨立深宵時顧影忽聞短笛易銷魂
春光漏洩誰先覺紙帳佳人被已溫

絕世丰姿淺澹妝一生羞殺牡丹王驟寒天氣纔微雪
近水人家又夕陽有月何如無月白出山不及在山香

廣平別具和羹手賦罷誰憐鐵石腸

瑠璃作帳玉成圍霜後清臞雪後肥月上高枝獨含笑
風來半樹欲爭飛美人臨水如窺鏡名士薰香不染衣
莫畫橫斜千萬朵恐防老鶴夜深歸

瘦骨珊珊迥出羣光明世界路難分月來谷口都成水
雪化枝頭欲墮雲尋到夢中還是我交從林下莫如君
何郎別後神傷否東閣于今久不聞

獨臥荒山三十秋凍雲壓屋小于舟偶經雨露仍紅粉
耐得冰霜易白頭眼底茫茫迷去路空中靄靄失高樓
此身位置原無價寄語朱門莫浪求

贈高寄泉旋里

北風捲地天凝霜晨星歷歷寒無光
驪歌嗚咽不成調殘年送客登河梁
行人驅馬過橋去堅冰十丈森如牆
攜手相送無熱客渤海奇士非尋常
束髮弄筆搖五嶽九千文字羅胸藏
泉州寄居遭排擊枳棘不肯棲鸞皇
童子軍中快拔幟文場鏖戰旋騰驤
徐孺早下陳蕃榻盛名沾水流湯湯
皋比坐擁十餘載瑯嬛借讀珍縑緗
駢儷目眯錦五色去其糟粕留汁漿
淮雨別風辨疑似浸淫六籍鳴笙簧
髫髻既入崔嵬室弱冠復設彭宣堂
便便腹皮日以大學高僧父難窺量
更結因緣到香火

欲祈好夢炊黃粱高足弟子來瘦鶴南豐一瓣焚心香
獨與邊韶交最篤愛其神駿年俱忘青睞復遇楊凝式
絳帳肯邀馬季長愛我七字新樂府謬許皮陸兼張王
憶昔相逢把君臂長安酒市飛壺觴漸離擊筑歌感慨
懊儂一曲聲悲涼此情此景已陳迹秋蛩彈指鳴春鶻
東風得意飄杏雨馬蹄又促詩人裝九轉丹成參妙果
仙廚未許凡庸嘗珥筆彤廷邁班馬詞臣著作羞鋪張
或者玉署不相容郎官上應星角亢六曹亦可暫棲足
十年不調卑馮唐不然冬烘仍氍毹選材拔出俗人行
或膺邑令宰百里循良豫傳今龔黃或官廣文兼三絕

詩誦書畫傳遐方此皆不許人測度冥漠位置由蒼蒼
書生伎倆各有用紛紛傀儡羣登場憐君少孤無所怙
魏舒宅相人占祥賤子與君將毋同九齡失恃心傍徨
無忌安能似其舅力弱難挽千鈞強蓼莪永廢不忍讀
欲陟岵岵何所望羨君畫荻賴母教含飴白髮年無疆
遙想倚閭望子情眼看落日沈蒼茫久客津沽知別苦
何如匹馬還家鄉斑衣戲學老萊舞關情夢寐酸肝腸
君去輒作十日惡君來橫掃千夫狂春光轉盼蘇野草
青青萬縷回隄楊旗亭畫壁詩絕調酒酣擲地金鏗鏘
達夫旣死今復作拍肩呼我劉文房不朽事業關天命

姓名泰華千秋揚

東繆星潭同年

鈞

熙伯情傷薤露歌美人何處弔湘娥
癡心欲問金錢卜
敲斷珊瑚第幾柯

答褒石元韻

簡傲君容我襟懷海樣深
風餐宜舞劍月墮罷彈琴
詩草撐仙骨梅花證佛心
子昂同范蠡一一鑄黃金

醉極不知醉愁深翻諱愁
錢神窮莫禱藥聖病難求
黠鼠齧殘蠟飢鴉啼破樓
羊曇真潦倒跂足望西州
妻孥飢不死壞木苦支持
故紙鑽難出名場到始知
雀

臺鐫漢瓦駕錦繡袁絲欲把蛾眉畫纖纖恥入時
敗壁飄殘雪晶熒對一鐙澹交濃似酒熱客冷于冰高
鳥思先舉長風願早乘腹枵禁不得大口啗紅綾

戲咏門神

鄂公英武邁鯨彭叔寶雄姿玉樣清身後誣成千古恨
眼前看透萬家情少文難入高人座不戰徒膺上將名
更有一般趨勢輩官衙爭繪六公卿

不信神仙勢利交新年都把舊人拋守門誰識題文字
媚寵專能攫酒肴踴踞愁聞獅子吼顛顛羞惹燕兒嘲
築成避債臺何處一任催租客亂敲

將軍橫槊復揮矛
懷刺相逢莫暗投
賴爾衣冠能託足
寄人檐宇敢昂頭
瓣香供到監門尉
妙果修成戶牖侯
如過翟公舊庭院
雀羅張滿有誰收

當年鬱壘共神荼
化作迎門二武夫
攘寇血噴刀劍利
譚兵風刷鬢毛麤
掃除魑魅真奇鬼
媒蘖英雄是豎儒
一樣泥金春帖子
墨痕曾伴舊桃符

梅莊詩鈔卷三

孫鐸
祝孫校字

梅莊詩鈔卷四

乙未丙申

嗜痴集上

天津

華長卿

枚宗

讀兩當軒詩追弔黃仲則先生

乙未

峩峩五嶽莽填胸
麟在荒郊鶴唳空
太白忽生千載後
涪翁又到一家中
酒酣燕市悲殘骨
馬踏秦關泣落紅
如此仙才竟天折
敢攜奇句問蒼穹

獨上青蓮舊酒樓
少年傾倒眾諸侯
詩人祇合飢寒死
詞客空懷畎畝憂
身後萬金需俠士
生前幾日住常州
吟成一字千行淚
灑向江湖不忍流

早春感懷

春色滿天地英雄出草萊長空飛鳥盡落日遠人來拄
腹詩千首撐腸酒百杯嶽奇多少客都賺到金臺

讀袖石詩

夜讀袖石詩細字如蠶眠一讀一擊節金石聲淵淵奇
語雜仙鬼浩氣兼幽燕天地存私心獨與筆如椽當世
多腐儒皓首逃詩禪視之疾如讎叩之心茫然亦有愴
父輩井底鼃爭喧不見大官廚枵腹空垂涎風雅久不
作塵窟才無權騷壇大將旗舍子誰能搴

我愛袖石詩兼效袖石體廿載弄不律嗜痂情靡已豈
無麟角心頽風挽正始所患筆力弱操觚每率爾盟手

讀君詩如浣斑蝥髓焚香讀君詩如煇淳泥紙癸甲兩

年間歐血搜囊底三百十一篇數若毛詩紀驥尾附駑

駘卷中附長卿和詩四章笙詩差可擬拜石復拜石華嶽歎觀止

東袖石兼懷馬鶴船壽齡

心服惟邊讓神交有馬周才奇天亦妒筆橫鬼應愁塵
世高飛鶴功名不繫舟長安春似海洗眼待同游

春日書懷

春在梅花第幾枝東風吹到豔陽時嚴冰十丈隨波盡
旭日三竿出海遲鬢髮蕭騷愁裏覺頭顱顚顚領鏡中知
何當痛飲屠蘇酒醉把鉛刀斬亂絲

少年客氣黯然銷白屋青鐙伴寂寥前路茫茫昏似漆
舊愁袞袞亂如潮泥沙過眼憑詩洗壘塊填胸仗酒澆
竿木逢場萬人海好排弓矢射金雕

婦病

婦病成消渴寒宵思飲冰殘羹煨冷藥愁帳閃昏鐙
呻吟音難辨呻吟力不勝小兒慙慙甚啼到早陽升

內子飲杜君藥驟愈詩以誌喜

全仗刀圭力沈疴一旦蘇無緣逃苦海有淚灑窮途因
果參詩卷生涯問藥鑪羞言兒女態鄭重影相扶

聽雨

東風吹不起。小雨灑空庭。春自天邊洩。人從枕上聽。壞
雲埋徑黑。溼氣逼燈青。誰唱淋鈴曲。深宵夢未醒。

枕上口占

雨溼柝聲死。模糊聽不真。荒雞鳴似鬼。窮鼠躍如人。夢
裏吟成癖。愁中老此身。所懷多志忑。徹夜轉風輪。

出門吟

雨亦悲離別。欲畱行人住。射壁搖昏鐙。亂夢墮何處。淋
冷復淋冷。如對詩人訴。斷續不忍聽。晨雞啼遠曙。忙束
征夫裝。欲去屢回顧。病妻弱不支。刀尺何人助。癡兒嬾
攻書。廢學恐有誤。誰憐范冉貧。黃金那可鑄。瑩瑩無所

依哀哀向天諱三載守蓬廬未踏長安路今日始登車
恥學邯鄲步曉風吹大河遲陽動高樹怪鳥四五聲似
勸公無渡快著祖生鞭爭獻相如賦僕僕逐黃塵前途
日已暮

安平道中

急雪銷無迹春光冷暮秋風高沙橫捲河漲水爭流野
樹亂于髮荒墩圓似疣殘宵月初墮鬼火上更樓

古剎門行

剎門壞樹中心空斑斕血跡畱深紅沙埠對峙高矗矗
鴟鵂格磔號悲風行人到此愁下馬荒城頽廢埋殘瓦

骷髏朽蠹苔花皴窮途淚墮空盈把昔時蕭后號感天
曾於此處焚狼煙雄兵十萬陷白刃至今冤魄沈幽泉
夜昏奇鬼作人語挪揄惡狀驚行旅生前同攫諛基金
餓魂尙解婆娑舞紛紛燐火散如星陰芒亂鬪宵光青
曠日一出影不見惟聞戰血鑿風腥古墳纍纍無人掃
別足翁仲臥衰草牧童拾得碎城甃獨立斜陽拋去鳥

寓中雜詩

擬學參禪伏毒龍晝長偏覺樹陰濃榆錢滿地無人拾
野鶴一聲僧打鐘。

緇塵拂拂颺金臺問訊何人解愛才冷澹梅花知已少

梅莊詩鈔

卷四

四 東觀室

破門獨有鶴飛來

謂馬鶴船

窗篩破月樹參橫。亂夢惺忪到五更。枕畔有詩吟不得。
最銷魂是曉鐘聲。

大沈詞華小沈書

謂桂舫葵軒昆仲

一般傾倒馬相如。酒酣耳

熱悲含淚。抵得窮愁萬斛珠。

接家書知筠莊弟

長吉

縣試冠軍喜得二律

忽得子由信。離奇字數行。驟逢青眼顧。頗羨白眉良。骨
挾嶽崎氣。聲馳翰墨場。酒酣呼李賀。不數姓名香。
竟拔軍中幟。羣推第一人。無錢經萬選。有淚慰雙親。閭
邑休相妒。全家莫厭貧。文壇鏖戰後。珍重苦吟身。

送袖石歸任邱

登高望滄海壺嶠巍峩峩上有珊瑚樹丹碧交枝柯就
中第三株丰采尤婆娑遙遙漢司馬苗裔英才多頭角
嶄然露韶齷工吟哦趨庭來沾上愛我文不頗結納以
詩句努力爭琢磨七言繼蘇李五字嗤陰何君詩如長
江我欲揚其波君詩如奇峰我媿升其阿相交四五載
風雪猶經過羞爲噲等伍不顧庸流訶肝膽鑄金石投
契非婣娶奈何舍我去遽唱驪駒歌易水夏生寒長揖
別荆軻

堂上有雙親白髮甘苜蓿解組賦歸與空船聚骨肉元

方工書法筆埽千毫禿無忌酷似舅阿買頗類叔佳兒
雛鳳聲良妻連理木定有前生緣消受人間福賤子初
識君相見自縮慙蕭齋椽打頭琳瑯書滿屋入座生春
風雜花馨馥馥奇文供我賞異書借我讀挑燈靜夜譚
月影簾紋蹙欲別那忍別潸潸淚盈掬古壁閨莓苔離
亭飛蝙蝠詰朝挂帆去休作窮途哭

曙色動暹陽曉風吹楊柳此景難爲別言念詩人否離
家十餘年住我津門久君今歸故鄉反似牛馬走園荒
松菊存佳氣滿戶牖埽徑來故人里黨邀杯酒虞邱多
望族首屈孝先後腹笥誇便便醞釀無不有君去騷壇

隕錦囊血空歐欲參玉洞書疑義無人剖誤讀金金字
錯謬無人糾高寄楊蓮舛馬鶴卿潘侯船間舍子誰與友摻袂
畱不住臨風獨搔首送君立蒼茫思君腸回九三疊當
陽關長卿再拜手

小梅師賜題拙集依韻奉和

香到梅花得賞音。愛才情比受恩深。草元亭上搜奇字。
竟許侯芭抱膝吟。

天涯誰識不羈才。新詠無端到玉臺。老鳳一聲山月墮。
桐花滿地酒人來。

秋夜感懷

滿目悲秋色瓜廬寄此身
焚香非佞佛對月易傷神
縮地尋良友呼天哭老親
自知無媚骨甘守范丹貧
幸有天憐我礚礚日夜磨
酒懷因病減詩思入秋多
苦海填書癖愁城錮睡魔
牛衣休灑淚未必老巖阿

史記爲狐鼠所壞詩以弔之

馬遷遭腐刑發憤成史記
上下三千年五十二萬字
簡策缺十篇少孫補其意
後有小司馬索隱及巢燧
裴駢撰集解徐廣作書義
臣瓚如淳輩訓詁分同異
良史首龍門紀傳多創例
游俠進奸雄貨殖崇勢利
蠶室秉筆時咸寓窮愁志
堪笑班孟堅剽竊無慚媿
當世誦其文

難免良朋累後世藏其書翻來造物忌或罹水火殃或被蟲魚噬何以冥眇中大用忽擯棄余家來海上代有詩書嗜簞錦大薑芽不乏便便笥舊藏十七史愛惜殊珍閱板鐫汲古閣字字珠璣萃常山相國家

書爲真定梁氏故物

什襲已數世輾轉到蓬廬拜謝等天賜充棟數千卷滿

紙珠光膩浩瀚讀難盡縱觀壯奇思陰雨搜紅蟬炎夏

勤曝曬不料文字厄咄咄稱怪事狐鼠餓不死昏夜跳

魑魅狼藉嚙將殘汙穢雜溷廁長恩守不住釀成筆墨

祟有如正直氣不敵奸邪熾又如老成人無端遭刖劓

脈望艱然怒論說等遊戲始皇喜坑儒

秦始皇本紀及高祖功臣侯年

表兩卷齟齬尤甚

報復到名位沛王罵功狗菹醢及苗裔古人

意難測令我心惴惴責我不能讀困境乏靈慧嗤我不能鬻措大拋窮淚叔世賢不容競以妖爲瑞大聲呼子長斯文眞埽地

得袖石書卻寄

閉門懷舊雨曠隔幾由旬咄咄奇男子哀哀古鮮民所遭同一哭何處寄斯身縱有書千卷無方可療貧

莫灑西河淚

時袖石喪子

辛酸益母愁紅鐙讎綠字白屋擁

緇裘投筆興長歎驅車擬壯游有人滄海上埽徑待羊

求

酣秦奇窮味殘年咀嚼深鑿山埋餓骨鑄劍殺愁心名
姓甘淪落文章恥浸淫破琴彈不得天地幾知音

飛來一百字

書中附念
奴嬌一闕

一字一纏綿境苦非關命情真

合有緣錢神禳作祟詩鬼鍊成僊
祖僧休生妒人專始可傳

送桂舫舍人之沂州

纏天絳雪搖濛濛斗杓北指行人東
情絲萬丈綰不住馬蹄碾鐵號酸風
沈郎腰亞邊韶大賦擬班揚文崔蔡
騷腸俠骨莽填胸廿年交契鍼投芥
五陵春色流丹霞拍肩醉折櫻桃花
紫凰飛去青鴛哭羈魂骯髒東陽家

銀牀三載羅幃冷殘月無情照孤影
觥觥侍御繫紅絲織女黃姑爭引領
盈盈沂水春風香裙裾綵繡鳴環璫
帝遣雌龍賀瑤島雙成瑟間飛瓊簫
篆鴨溫鑪薰雀腦瓷餅豔吐宜男草
鳳閣移來校字鐙照填一曲人間好

送張節菴下第之杭州

鍛羽聲聲叫鷓鴣季鷹落拓始歸吳
坐無梁甫吟難續

舊館于星路有袁絲興不孤與錢塘袁君同行十月星霜鞍馬

健大江風雪浪花廳情深沾上休回首
我已埋名混釣

屠

蘇隄楊柳六橋煙一別西湖已七年
夢裏高堂添白髮

客中長物剩青瑣科名罷耗劉蕡策壯志銷磨祖述鞭
京兆畫眉宜早學東風吹綻並頭蓮

約于明春
北上就婚

節菴旣去愴然有作

憔悴江南客秋增庾信哀馬蹄隨月去鴉背帶霜來荒
草燒仍長殘花落不開他鄉莫回首駿骨賣燕臺

津門懷古

丙申

紅霞一片海潮生野樹籠煙雨乍晴欲問漂榆舊時路
亂鴉爭噪角飛城

豆子甌邊地不毛海雲湧水去滔滔野人穿井深千尺
掘得隋時破鐵刀

子牙河畔櫓聲哀。千古漁翁剩釣臺。一櫂扁舟三十里。
蓬蒿夾岸野花開。

帽影鞭絲不暫停。曉風殘月短長亭。行人下馬攀條去。
飛絮粘天楊柳青。

離離芳草富家村。董永流風今尚存。沽水無聲春浪煖。
菜花滿地上河豚。

兩岍樓臺似畫圖。酒旗風裏叫提壺。蜻蜓亂飈三叉水。
一片鼉聲小直沽。

黑堡城南古戰場。腥風吹墮月昏黃。髑髏帶血無人掩。
燐火成團出短牆。

海灘鹹水綠皺波，故道誰知溯九河。
捕蟹撈鰕忙不了，祇今誰唱飯牛歌。

途中寒食

咫尺青雲路，功名唾手難。
東風吹馬首，柳色滿長安。
寺古牆傾佛墳荒，土齧棺紙錢飛不起。
鬼食定愁寒，何必無家別。
征人始斷腸，樹多風力勁。
河近水聲長，塞草粘天綠。
邊沙捲地黃，京華居最好。
休說早還鄉。

送王成言之滇南

欲展鵬程志，飄然賦遠游。
此行同泛宅，有客莫登樓。
弟妹迎雲棧，妻孥載月舟。
故人拚一醉，檢點鷓鴣裘。

鑄就神仙骨。珊珊信可人。十年真好客。萬里更尋親。宦海官聲富。滇池柳色勻。行程須努力。囊橐莫辭貧。

哭繆星潭同年

一聲鵬鳥破空來。啼血剗心最可哀。天上罡風摧玉樹。人間舊雨黯金臺。愁魔有命休祈福。病豎無端解愛才。腸斷朱顏蕉萃盡。夫容江畔爲誰開。

束髮騷壇已冠軍

郡試曾列第一

一年甫十六。翩翩丰度自超羣。江郎

筆彩非關夢。荀令衣香不待熏。同榜詩人惟愛我。異鄉書記正需君。然藜天祿終無分。地下先修及第文。

詠絮才華信有無

謝夫人歸寧未反

玉顏三載傍蕪湖。家貧身

爲功名死情重人爭姓字呼千首詞哀心血耗雙親夢
梗淚痕枯春風慘澹長安月痛殺高陽舊酒徒

謂葉伯華周艾

衫兩
太史

北邙山下葬詩魂白骨埋香玉不溫薑桂性成參妙果
芝蘭心苦護靈根科場沒世緣難了才鬼同聲淚暗吞
好熱旃檀攜麥飯青燐隊裏弔王孫

宿安平

迢遞長安道驚沙沒馬蹄風聲藏古木河勢抱長堤培
塿高于屋帆檣密似籬吟魂棲不穩愁聽五更雞

渡河

懊惱東風鬢欲皤升天片片怪雲多柳灘蕎麥初經雨
布穀聲中喚渡河

哭張節菴茂才

鉞

越江鳴咽吞湖黑愁雲黯黹星無色羈魂一縷向北飛
蒼天不語情難測張生文采殊翩翩臨風玉樹人爭憐
海上青琴許同調知音一去成哀絃空衙蕭瑟紅搖燭
飢鴉生啄連理木跋浪排山宇宙昏魍魎嬉笑蛟龍哭
酸風苦雨悲若敖紙錢百萬空中燒豐碑應泐張童子
幽墳堪依左伯桃燐火如星逐冤魄淚眼仰天看太白
玉樓咫尺近元虛從今休上劉蕢策美人悵望隔天涯

六郎枯菱紅蓮花劫灰甘作巫咸死醉臥堯峰擁絳霞
癡情願化雛渠鳥高飛同瘞蓬萊島髑髏碧血豔生香
返魂誰種紅心草啾啾鬼唱鮑家墳孽緣噩夢攢乖氛
相如不解談因果欲問成都賣卜人

送樹君師之大名

大雅今復作高誼凌軒空吹噓到枯骨補罅天無功
觥宛陵冑筆掃千夫雄詩以寫性情羞言窮乃工九河
日趨下誰解挽頽風元音追正始律呂調黃鐘大聲發
水上凡響皆瘖聾百尺竹間樓珠玉森羅胸皓首弄不
律鉛槧經春冬梅花起詩社壇坫羣推崇贈答學公幹

詠史擬太沖豈無下里音汪度咸包容鯁生嗜吟嘯獺
祭蚩雕蟲初登彭宣堂陋器勤磨礱復入崔儵室闔奧
堪追蹤長城互萬里奚慮偏師攻褊心寡所服獨奉曾
南豐魏郡古太守高曠今陶公英風振昭代抗志詩書
叢曰當代詩人無過宣城翁一紙來沽水致聘同旌弓
三輔多畸士詩學超儒宗所患攬撫少澗底盤虬松搜
詩如搜才巖谷窮華嵩選詩如選兵百鍊精隆衝幽并
豪俠兒越石人中龍燕趙忼慨士慶卿殊難逢上下二
百禩併入選樓中渤海高達夫妙筆攄長虹手輯萬餘
首素志將毋同吾師投袂起此役休辭慵多收十斛麥

甯食三斗蔥驅車策駑馬六月暹陽紅炎風吹短草壞
雲攢奇峰望望古沙麓詩思隨飢鴻回首眴滄海天半
朱霞烘

莊光私印歌爲高寄泉作

男兒生不能佩印相六國胡爲埋首耽翰墨又不能竊
印奪三軍胡爲瞠目窮邱墳佩印竊印俱堪鄙高君得
印沾沾喜妙手寫生繪作圖莊光名氏精鐫摹避明帝
諱易嚴姓差類席籍與賀慶成都高隱號君平
君平名
遵先生
亦名遵疑
後改名光
先生變姓兼逃名助安青翟非同族子孟
子夏
孔佳名辱逸民豈藉私印傳物以人重二千年銅
光

質瓦鈕形模古篆文繡漉啞綬組靈爰赤伏隨煙銷黃
金官印拉雜燒剩有衛青同李廣先生故物眞無兩當
年口授君房書押尾倒印呼狂奴或者投札吳門卒丹
砂印字光咄咄晁克顏叔姜夔趙孟頫譜不存此印後出
琳瑯尊諫議大夫不屑就王良印鑄沛郡守朝耕富春
山暮釣嚴陵灘客星光怪犯帝座故人夜共文叔臥殿
中司馬關內侯對此減色空含羞祠堂頽桐江冷四家
子姓漁樵等七里灘邊畱釣臺畫眉聲裏先生來吁嗟
乎漢代古印殊難得得印儼立先生側不遇高君誰物
色

秋暮入都臨發寫懷示筠莊

風吹餓骨不勝寒
王粲依人始跨鞍
韋佩怒從愁裏折
蒯緱怕向客中彈
心灰厭說分金易
齒冷休歌行路難
古道垂楊應笑我
一年三度入長安

喻縻不律老雕蟲
憎命文章況未工
窺鏡乍驚潘鬢改
閉門誰信阮囊空
綈袍黯澹憐張祿
絳帳凋零泣馬融
人海茫茫竿木戲
摩挲頭頸問蒼穹

白眉丰采自嶽奇
棣萼生香笑豆萁
詞壘競誇千里馬
文壇同作五經師
聯牀風雨鐙前話
春草池塘夢裏詩
子弟成行皆待教
清門全賴汝撐持

梅莊詩鈔

卷四

古東觀室

漫道相如愛遠游
飢驅祇爲斗升謀
應劉才調空垂涕
溫李風懷易感秋
絲竹中年悲楚些
功名何日佩吳鉤
岑牢單絞誰能識
刺滅狂奴冑浪投

湖渠

策馬湖渠路
寒沙水不深
橋危疑虎臥
濤急學龍吟
白日歸荒墓
青山出密林
豐碑多沒字
費我屢搜尋

讀黃石齋先生集

閩南蔚松嶽
誕降眞鐵漢
束髮負異質
經史窮淹貫
占星喜推測
談兵妙籌筭
奇語出空山
狂歌鄙絳灌
中年入理窟
朱陸釋冰炭
壇坫張海濱
都講忽成萬
報國効

貂璫原情救鄭鄴溫周秉國鈞一似麒麟植廈傾獨木
支金漑勞薪爨叔季多偉人先生爲之冠出處玉五德
文章金百鍊漳浦流忠魂浩氣塞天半

寓齋不寐

欲雨不成雨秋心一味涼空階聞落葉幽室暗鐙光戀
夢衾如鐵撩人月似霜殘年誰骨肉愁作校書郎

織簾書屋同雲巢舅氏夜話

書屋小于丹夜氣涼如水鐙影蹙簾紋爭說徐無鬼
長安十載居吳苑三年住詞氣凜須眉誰學邯鄲步
經濟非文章儒林出循吏霖雨慰蒼生不負東山志

梅莊詩鈔

卷四

主 東觀室

楚寶搜羅盡燕臺聲價殊千金揮翰手洛紙貴三都
南海波千尺西風雁一行琵琶聽不得老淚落清商
韋杜家聲富飛仙落鳳池不言溫室樹棲穩上林枝
忼慨魏陽元潦倒何無忌故宅傍龍亭詩人待吐氣
舊業青瑣冷新愁綠鬢華韓門高弟子零落賸劉義

斷句

杜宇聲聲勸客歸空庭敗葉攪天飛殘年欲射南山虎
笑著征人短後衣

馬上口號

馬上看山色重陽客裏過功名催鬢短風雨送愁多亂

樹畱燕壘孤帆走潞河隻身誰共語伴我有詩魔

烏夜啼

涼月墮窗鐙欲死美人夢覺扶衣起一聲兩聲啼未已
聲聲送入紅閨裏寄語西風莫倒吹行人聽此心含悲
送寄泉之大名

雞聲膈膊唱驪歌舊雨飄零一刹那壯士離家愁緒少
窮冬送客淚痕多五言樂府金鍼度廿載名場鐵硯磨
馬上詩人須努力蕭蕭冰雪莽關河

梅花開到晚香亭巨眼能垂阮籍青

謂覺
琳師

我輩應修禩

吏傳天涯誰草太元經好畱鴻爪傳燕趙休畫蛾眉鬪

木末言金
尹那二百年來文字鬼一時都在暗中聽

夢袖石

不見邊生久今宵入夢來故人千里別笑口爲君開紅
豆傳三影金尊訴八哀閉門多歲月媿乏著書才

題芝仙關中負笈集用小梅師題拙集韻

浣花異代有同音更得秦風醞釀深棧道連雲三百里
時聞天半鳳鸞吟

負笈情多慰愛才一時愴父盡興臺怪君筆挾峻嶒骨
飽看嵩高華嶽來

再疊前韻東芝仙

破琴曾許訂知音。山水輪君閱歷深。匣裏劍光終不滅。
每逢風雨作龍吟。
廉吏兒孫著作才。相期攜手上瀛臺。前身同得如椽筆。
豈爲模山範水來。

送心巢歸任邱

東漢傳文苑。奇才數二邊。姓名千載共。兄弟一時賢。聞
望圭璋重。交情鐵石堅。相如慙賦骨。閣筆上林篇。

汪汪千頃度。曾到水晶宮。

夏間有覆舟之厄

才大蛟龍忌。愁深

鬼蜮攻。紅珊收鐵網。鱗腹吸金虹。策馬河干去。休乘破
浪風。

生就如椽筆揮毫鄙墨豬情耽摩詰畫神肖率更書雒
紙三都貴騷腸萬斛儲久虛天祿閣正字待君除
海上聯同調青琴始一彈恥隨時態薄爭學古人難壯
志頻看劍歸心穩跨鞍卯君相見後道我問平安

冬日書懷

冰雪堆中一楚囚青鐙炯炯射雙眸年催馬齒增羞澀
名繫牛心苦校讎秦篆偏旁宗許慎漢碑結構勝鍾繇
談經虎觀知何日且作人間第二流

拋卻林宗塾角巾埋頭莫現宰官身詩人大半歸科第
才子從來耐賤貧韓愈奇文休送鬼魯褒妙論枉通神

平生不識金銀氣，恥向銅山問夙因。

茫茫宦海凍生波，鐵甲將軍喚奈何。
微外荒沙埋恨少，天邊明月照愁多。
男兒甘作優婆塞，國士羞稱曳落河。
屈指幾人恩未報，寶刀寒帶血腥磨。

一字珠璣百鍊金，梅花空抱歲寒心。
鄒枚詞賦青雲隔，嵇呂交情碧海深。
易水難忘漸離筑，高山誰鼓伯牙琴。
輓歌人已歸蒿里，腸斷江干淚滿襟。

近為星潭執紼

高適才華古錦囊，寄楊修不分禰衡狂。
蓮卿傳家學圃千

秋業，濡墨毫生萬丈光。
車笠心傾孫北海，子甘雁魚愁絕

沈東陽，桂舫久無信至青門俊侶便便腹。
每見元方憶季方，巢心

補石
昆仲

桃李門牆幾度栽南州高士住蓬萊芝仙陳琳草檄騰三

殿靜菴

王粲登樓詠七哀

振青

豔說姚崇揮翰手

玉農

羣欽

解系挾天才

秋皋

封胡羯末亭亭立

家葵生

爲我先營避

債臺

短髮飄蕭鬢欲絲懶填黃絹外孫辭崔嵬有室貧纔入
賈誼無官樂可知掩耳怕聽思舊賦傷心愁誦補亡詩
劇憐南阮誰相顧蠟屐殘年太覺癡

底事朝朝出北門囊貧省識舊王孫臨河船似驚鴻集
夾巷人如狡兔奔關盼樓中休注目秦宮花裏最銷魂

長陵小市匆匆過。渴吻誰澆酒一尊。

華冠羞插侍中貂。珠箔銀屏久寂寥。措大忍拋千點淚。
美人橫舞一枝簫。改將白眼垂青眼。奪得黃標更紫標。
試上通天臺上望。紛紛知己賦劉歆。

少年思作執金吾。酒後談兵笑灌夫。司馬文章辭狗監。
封侯骨相屬人奴。身原無賴空求友。生本多情莫學儒。
邂逅煙霞三十載。仰天撫缶叫烏烏。

猛虎行

悲風捲地枯草動。野狐竄伏飢鴟恐。敗葉搖樹月墮山。
驚雷躍出毛斑斑。食肉不辨心肝苦。於菟夜半逢周處。

男兒羞佩赫連刀短衣徒手稱人豪山中猛虎今時寡
虎頭競仗虎威假封使君滿天下

梅莊詩鈔卷四

男鼎元校字

梅莊詩鈔卷五

丁酉至己亥

嗜痂集下

天津

華長卿

枚宗

早春喜袖石來天津

丁酉

自別梁園客情絲萬丈纏吟魂催昨夢交道感經年沽
水波無盡河橋月正圓中州行迹遍腹笥更便便

東風吹舊雨海色湧詩來酒國管騰入騷壇頃刻開賈
生辭雪苑郭隗重燕臺駿骨甘雌伏無人解愛才

攬轡中原去黃金鑄此身鄒枚誰賦手燕趙幾詞人問

字休饒舌偷聲恥效顰空青

袖石詞集

千萬疊陽羨有丰神

重到楊雲宅羣居屋兩頭挑鐙度元曲把酒話樊樓文

采推坡頽詩名繼應劉狂歌無和者放眼小齊州

謝袖石校定拙集

雞壇傾倒弟兄行取我狂歌細品量姓字敢期畱宇宙
功名原不藉文章琴逢牙曠音難闕藥得參苓味較長
此事推君誰抗手海天春色正茫茫

題澹音夫人環青閣遺稿

橫雲萬疊攢簪珥天遣女星照沾水詩卷常畱舌眼間
一片吟魂終不死琳瑯彤管貽清芬摘藻笑嚇凡釵鬪
紗幔不容低首拜令人卻憶宣文君我今捧讀環青集
江雨欲來山鬼泣白雪行間珠玉霏黑雲筆底蛟龍吸

蘆花吹起雁聲秋驛柳纏綿詠絮傳更有七哀新樂府

毫端寫盡半生愁春暉喜種階前草謂蓮卿彥卿昆仲過門誰

月題凡鳥畫荻儘教識字多彈琴得遇知音少草元亭

畔芭菜來底人北海金尊開李斯小篆鍾繇隸全付淋

漓著作才鰈生束髮耽詞賦文場恥被浮名誤白眼何

來阮籍青紅牙不許周郎顧我亦九熊受教人九齡陟

祀淚沾巾織餘詩稿煙雲散先慈詩多散佚僅存斷章零句而已難覓蒿

我未了因振觸瑤編重盟手不櫛進士堪爲偶不櫛吟會稽潘

虛白夫人箸夫人與先慈爲中表姊妹海上雙峰插碧霄古之鮑謝今歐

柳賤子學詩十九年錦囊嘔血成千篇郊寒島瘦無人

賞好藉名媛卷裏傳

送樹君師之任永平

振鐸盧龍道高年仕宦纔鶯花催夢去山海送詩來官
勝神仙尉人欽著作才渝關三百里紅杏傍誰開

長夏讀史記得四五六七言短句十章

今年焚書明年阬儒矯立胡亥冤殺扶蘇乘輜涼車遺
臭鮑魚三十七年奇貨可居

秦始皇

太公陷楚軍先後三年久置俎乞分羹迎門任擁帚親

恩既忍負何有于功狗若非用三傑漢中亦難守

漢高帝

天意偏鍾呂氏男女皆有奇才眼見祖龍屠死又看野

雞飛來

呂后

可憐國士說無雙。雲夢歸來氣未降。貪戀侯封思蒯徹。
何如垂釣老寒江。

韓信

一椎驚破祖龍魂。不報韓仇報漢恩。莫道清門無將種。

淮陰猶是舊王孫

張良

相國安知獄吏尊。功名白首幾人存。李斯地下應含笑。

黃犬重牽上蔡門

蕭何

起家刀筆恥爲儒。老作平陽一酒徒。死後奇功歸絳灌。

肯隨諸呂事娥姁

曹參

功狗勲名問狗屠。高風排闥漢臣無。淮陰已死黥彭醜。

僥倖餘生仗呂夔

樊噲

左祖強于百萬兵。詐謀久已薄陳平。功臣子弟多頑劣。誰及將軍細柳營。

周勃

舌劍脣槍兩豎儒。何勞馬上說詩書。九江南海齊歸漢。百戰將軍媿不如。

隨何陸賈

枕上聽雨

一夜蕭疏雨。頻澆萬斛愁。樓臺疑近水。枕簟頓驚秋。倦似雛雛鶴。閒同浩蕩鷗。忽聞歌欸乃。彷彿臥漁舟。

秋夜不寐

萬古詩魂喚不醒。蕭齋獨對一鐙青。空階絡緯聲如織。

飽訴閒愁與客聽

贈楊蓮卿

淞

卽送之甯波用昌黎石鼓歌韻

山陰楊淞江海士醒眼看天發醉歌榮名千載期不朽
一官拋棄值幾何破屋勵志惜日短憤氣倒拔晉陽戈
琳琅金薤旣茫昧古玉豈用粗沙磨商盤周鼎秦漢碣
蟲書鳥迹胸中羅上追倉籀下斯邈峻嶒健骨巍峩峩
東馬嚴徐皆不賤子雲獨寐藏巖阿延譽每藉公卿力
矯俗不顧凡庸呵鄙薄墨豬工篆隸嶧山字畫久已訛
淵源鄧氏傳一綫孫洪與君殊斗蚪臨摹頃刻書萬本
倏如麟鳳忽鼉鼉惡如鬼魅森相向奇如壤木無枝柯

短長肥瘠騁萬狀搖筆宛轉懸金梭丰神駘蕩真超絕
褻裘公子非委蛇妻妾亦解識奇字朱顏皓頸傳英娥
自是君心有夙慧蜚聲姓字淩黃沱豈無文星持藻鑑
珠璧韜彩須隨和我友邊三與君好儲材待舉宏詞科
豎儒相士具肉眼迂拘謏陋奚足多紛紛餘子競薄宦
以馬腫背爲橐駝鰕生狂縱里所鄙草元亭上頻經過
班史荀子互質證六書疑義長相磋俯視近代共述古
角逐惡冑隨流波妙論侃侃震屋瓦經濟暢達無偏頗
詩賦亦非君所樂專營篤志矢靡他功名有命學有術
脂韋媚世徒戛戛干時乏策恐投畀侔色揣稱羞按掌

平生讀書不讀律自笑伏首陳編哦作傳恥乞丁儀米
學字休換羲之驚勁敵當前張旗鼓犀兕遺誚棄甲那
壯士長揖辭易水茫茫眼底誰荆軻窮冬送窮復送友
風雪蒼莽吹關河四明狂客久相待君其命駕毋蹉跎

三月十九日同溫東川子翼嵇雲裳文錦邱小遲

家燦李采仙雲楣錢冬士步文丁柘塘晏高寄

泉繼珩李晴湖復瀄徐浣雲文煥孔繡山憲彝

劇飲次日登車就道車中得七絕十章戊戌

蓬島仙人瘦骨寒溫岐皓首踞詞壇漢南真稟金荃集

都付清華舊史官

中散奇才冠竹林人間誰識廣陵琴故鄉無限佳山水
難寫鍾期一片心

博士無端賦瘦羊邱遲名亞沈東陽自成機杼天孫錦
夢裏常生萬丈光

采仙真是謫仙才車笠相逢笑口開更有晴湖湖海士
蟠根對峙古金臺

江邊一曲詠湘靈愛我新詩眼獨青寄語韓門諸弟子
誰憐郊島尙飄零

儀廩文章妙斬新何如淮上有傳人千秋子建逢知己
屈宋心思託洛神

五十吟詩高達夫早將慧眼辨驪珠徵文攷獻傳畿輔
管領風騷古不如

羣欽徐邈聖中之燕市酣歌絕妙詞客底鶯花春又老
樓桑斜日照荒祠

東魯儒林第一家拏雲館主擅才華名山金石都探徧
舊研歌成萬口誇

袞袞詩才妙絕倫攢眉恥效捧心顰相如儘有耽吟癖
不是梅花社裏人

六月同張鶴賓

毓芳

李金坡

翰

登南城晚眺

共有登臨興秋生雨後天高城三面水斜日萬家煙市

遠人聲寂。村低樹影圓。舊時芳草地。亂泊打魚船。
指點城南路。波光接海光。連天成水國。繞郭度風樵。縱
目添幽趣。披襟納晚涼。欲尋倪太僕。詩卷付滄桑。
巷口逢張仲。樓頭拜郭公。烏啼荒寺裏。人語夕陽中。庭
草可憐綠。野花無意紅。殘碑剛讀罷。雨景又濛濛。
良辰聚良友。交道澹于雲。沾水波千尺。揚州月二分。工
書張長史。妙畫李將軍。省識狂奴態。中年更樂羣。

秋夜

風露驚先覺。青衫冷不秋。簫聲茶客舫。人語酒家樓。缺
月銜山出。明星作火流。深閨當此夜。默坐數更籌。

夜至古寺

匆匆行腳客。酷似打包僧。殿角埋荒草。簷牙塞古藤。狐
鳴樓上月。鬼語佛前燈。敲破鐘聲寂。沙彌睡未曾。

懷人詩

細雨初霽。金風驟來。羊徑落生。岫然無俚。屈指
舊侶。近者阻隔。河山遠者迢遞。江海思同心而
不見。弔子影其誰憐。爰賦短章。聊以寫念。芝仙
雖相去咫尺。而蹤迹頗稀。亦可懷也。

燕市飲漸離。爲我一擊筑。忼慨發悲歌。歌聲出矮屋。歸
著老萊衣。盤中登苜蓿。

高寄泉

南海有成連移情結夢想古調不忍彈知音世無兩空
展摩雲翅萬里獨來往

余肅齋

同門五進士知我獨農部本是布衣交雲泥月相阻願
張背水軍偏師鬪旗鼓

錢冬士

書生喜讀律有志定不賤一作遂平宰兩校中州彥應
笑渴司馬猶自林泉戀

姚朗山

八載困京華灑盡窮途淚經術與詞賦舉世久擯棄獨
鶴西南飛得否栖身地

馬鶴船

驪歌未暇唱祖餞又相左思君何所願願化梅千朵君
入羅浮山見梅如見我

解秋皋

一枝五色筆有目皆知愛生平不作詩爲我曾破戒清

風幾時至望塵應下拜

邊心巢

梁園有舊客賈生年最少詩膽大于天今古誰同調和
者歌陽春一市人皆笑

邊袖石

玉署廿載住學士皆青眼不月就參軍爲人寫手版勸
我勤學書此意良非淺

張虛谷

海士多豪氣須眉尤倜儻高眠互抵足快論爭鼓掌酣
醉酒家樓所遇皆僧侶

徐沆雲

君家白眉良蚤學畫荻字愛才盧相國聘君管書記如
何棄毛錐竟作指揮使

汪楓士

子雲飄然去奇字無人問睥睨薄冰斯橫埽龍蛇陣四
明多狂客江海心相印

楊蓮卿

弱冠詞場中鏖戰屢拔幟小就貢成均然藜復校字蟄
龍得甘雨始遂攀鱗志

賀星槎

中丞有賢孫秀骨亭亭立吳下冑依人關中曾負笈他
日廊廟材是我舊車笠

徐楊芝仙

我愛楊盈川恥居子安後俠骨近今稀騷腸無不有秋
風吹君來痛飲黃華酒

楊茵生

不見王子猷忽忽已四載相隔萬里遠夢寐親文采海
濱多故人刮目久相待

王咸言

樊家有雛鳳生就讀書種蒹葭倚玉樹顧盼殊矜寵一
自墮煙霧欲見每曳踵

樊鶴州

老樹爲吾師小樹爲吾友山海拓心胸詩情生戶牖身
騎白鳳皇雲中亂招手

梅小樹

禁煙行

罌粟花開香馥馥鴉飛不到嬰兒哭惡燄薰天帶血腥
流傳海內成酖毒姦蠻作俑閻羅愁泥犁獄底添新囚
蠻人載入居奇貨蚩氓乍睹疑枯體脂膏鍛鍊勝媚藥
紈袴子弟欣然樂一槍刺死魂不知踞牀猶自誇豪惡
無端狎客來深庭臥游對語鐙光青瘴霧蠻煙蒸醉骨

黑甜初入晨雞鳴珍羞果腹色如菜鮮衣被體神似丐
彊者孱弱富者貧毒哉此物真蠱蠱碧燐燐四十秋
幾見朱顏到白頭王侯第宅開新府花月笙歌歎舊游
君不見廣南之戰師無紀將軍印綬終朝褫蠹苗陷陣
撼山來甲士枕戈猶未起鴻臚一唱人鬼驚秦鏡照膽
空中明祇因片土搜天下非爲金銀塞禍阨燕齊吳楚
多循吏羽書旁午衝塵至報捷河東仗鴉軍論功霸上
同兒戲滄桑都變介推田禁到齊州九點煙京國奔騰
走緹騎廈門安穩泛樓船官役眈眈勢如虎閩閩紛紛
竄如鼠泥沙價抵千黃金可憐一炬成焦土從今汲引

休矜誇香火因緣滅萬家好頸頓教吞白刃血腔豈可
汚黃沙病囚苦拔心中棘餓魂甘舐刀頭密吁嗟乎百
年三萬六千日安能日日皆寒食

梅小樹來津應試補博士弟子員匆匆別去詩以
贈之

拔幟騷壇詔冠軍長虹吐氣自凌雲功名況味初嘗好
詞賦風懷久別殷凡馬羣中誰識我梅花香裏獨逢君
挑鐙欲訴離情話祇恐淒涼不忍聞

關河雲樹莽峩乍見猶疑夢裏招昨夜吟魂風雨至
少年綺思雪冰銷瘦羊業占金閨籍雛鳳聲參紫玉簫

別後相思付明月。水天分照海門潮。

書高寄泉畿輔拾藩錄後

己亥

十斛隄糜墨。斬新笑他千寶。枉搜神談元說鬼。皆荒渺。誰及齊諧句句真。

盲左文章萬口誇。腐遷敘贊得專家。怪君舌底青蓮粲。

妙論流芬濺齒牙。

時君抱微疴。尚未痊愈。

文心賦骨邁班揚。海上風吹翰墨香。慚愧相如封禪橐。怯排旗鼓鬪詞場。

擔荷斯文冑。息肩舊聞日下幕。前賢幽燕趙魏新奇事。都借虞初卷裏傳。

舟泊紅橋

殘月挂疏柳。河干動畫橈。雞聲催曉日。人語漲春潮。煙水喧魚市。沙灘茁菜苗。鄉音聞約略。舟泊大紅橋。

論詞絕句

樂府遺音久寂寥。謫仙新體創唐朝。詞家鼻祖傳千載。合祀騷壇永不祧。李白

香山夢得與張王。流派無人較短長。名氏不傳詞更妙。莫將豔體認冬郎。白居易劉禹錫張志和王建韓偓

獺祭曾嗤李義山。何如詞藻冠花間。雕瓊鏤玉金荃集。小令爭歌菩薩蠻。溫庭筠

西川天子盡無愁。爭似王郎與孟侯。唱到冰肌無汗句。
摩訶池上氣如秋。蜀主王衍後蜀主孟昶

羈魂何日度函關。韋相神傷淚暗潸。絕代佳人難再得。
那堪填到小重山。韋莊

一卷瓊瑤妙翦裁。巫山雲氣雨中來。毛牛顧鹿皆浮豔。
誰及波斯李秀才。李珣毛文錫牛嶠牛希濟顧夔鹿虔

哀音亡國總堪嗟。惆悵江南小李家。金粉六朝流水去。
可憐玉樹後庭花。南唐後主李煜

五鬼才華數大馮。陽春歌罷曲彌工。劇憐庭院深深句。
竄入廬陵別調中。馮延巳

橘齋刺史黃州老未得行吟到汴京笑殺荆南高賴子

那知減字與偷聲

孫光憲

舞低楊柳樓心月歌盡桃花扇底風儻在三家村裏住

何能珠玉串玲瓏

晏殊

文章六一有丰神詞意纏綿更可親頗恨行間多褻語

砒砢混玉是何人

歐陽修

小山賦骨紹家傳神似高唐宋玉篇夢過謝橋參鬼語

竟邀青眼到伊川

晏幾道

忍教低唱換浮名井水村村學倚聲殘月曉風楊柳畔

教坊傾倒是耆卿

柳永

拚改三中作三影，侑觴度曲昵紅顏。牡丹一闕銷魂否，
贖得文姬返漢關。張先

逼人海雨激天風，推倒詞壇一世雄。洗盡綺羅兒女態，
銅琶高唱大江東。蘇軾

殘陽鴉點水邊村，目不知丁亦斷魂。黃九那如秦七好，
休將學士抹微雲。秦觀黃庭堅

一寸芭蕉易惹愁，橫塘臺榭水東流。滿城風絮黃梅雨，
腸斷江南賀鬼頭。賀鑄

省識東堂絕妙辭，坡仙心賞幾人知。平分此恨無言語，
詞客何容媚太師。毛滂

鎔鑄詩歌妙入神詞家牙曠是清真傷心衣袂東風淚

洒溼蘇州岳楚雲

周邦彥

插天翠柳月明高饒有髯蘇意氣豪不食人間煙火語

東都名士溷漁樵

朱敦儒

一段離愁付畫眉搓酥滴粉太情癡老來重上西湖路

彷彿邯鄲入夢時

左譽

惜香樂府號仙源恬澹高風萬古存寄語吳興松雪老

姓名慙否趙王孫

趙長卿趙孟頫

誰信詞人老戰場忠肝義膽溢騷腸玉環飛燕皆塵土

此語安能悟壽皇

辛棄疾

南渡無人說中興。狀元忠憤氣填膺。千金一字于湖集。
來歷何人注少陵。張孝祥

縫月裁雲推妙手。敲金戛玉詔奇聲。詠梅絕調高千古。
豈止詞華媲美成。姜夔

劍南詞筆闢仙根。修月全無斧鑿痕。卻怪時時掉書袋。
驚他枵腹過雷門。陸游

賓王癡語勝蒲江。迴異梅谿與草窗。神妙未經人道過。
羣花作夢句無雙。高觀國

警邁瑰奇自一家。織綃泉底淨無沙。甘心枉作權奸用。
平睨方回未足誇。史達祖

玉林綵筆擅詞場手輯花菴細品量冷煖自知工琢句

晴空冰柱鏤秋房

黃昇

片玉真傳得異才眩人七寶幻樓臺知音獨有周公謹

頻聽蕢洲漁笛來

吳文英周密

竹山名共碧山傳蒼莽悲涼有玉田白石老翁相鼓吹

賦成春水倍淒然

蔣捷王沂孫張炎

任他謠詠嫁時身巾幘叢中第一人魯國男兒爭下拜

瓣香供奉蕩花神

李清照

吳郎樂府名天下江北爭傳人月圓底事烏衣新燕子

不來王謝舊堂前

吳激

遺山詩派踞金源中調尤多感慨存更有嗣音天籟集。
令人一讀一銷魂。元好問白樸

讀罷蛻巖長短句不禁掩卷費疑猜外孫鑿曰饒餘韻

卽下無人解愛才

張翥

紫色蜚聲儘唱酬朱明一代廢歌謳千秋絕學傳三傑

竹垞梅村湖海樓

朱彝尊吳偉業陳維崧

廬南石相國師輓詩

夜半孤南墮斗牛魂騎箕尾赴神州清門累世推王謝
相業從來出魯鄒竟許鯁生參末座不容豎子廁通侯
到今纔醒黃粱夢誰向祠堂覓枕頭

祖帳驚聞薤露歌，感恩不禁淚滂沱。文章知己人間少，
詞賦成名世上多。一代直聲今汲黯，三朝宦蹟古蕭何。
瓣香供奉終身事，青史功勲永不磨。

哀集董梧侯師遺稿愴然有作

天欲斯文喪青衫，共叫號恩同滄海闊。仰失泰山高智
慧，三生業風流。一代豪等身留著作，展卷淚滔滔。

絳帳追隨久，緇帷感激真。劇談皆學問，嘲謔亦經綸。青

眼邀諸老

鄭夢白葉筠潭兩方伯伍實生中丞許滇生少宰管蕉軒廉訪尤見器重

朱衣妒

此身九原難瞑目，堂上有慈親。

魂魄飄然去，英靈何處尋。半生艱一第，八卷抵千金。

古文

二卷詩四
卷詞二卷
短調懊儂曲長歌梁父吟嵇琴從此絕塵世
少知音

剗剗何年事常留翰墨香文章無敵手豪俠有剛腸人
豈科名著才難升斗量問天天不語對此歎茫茫

春秋傳樂府

黃泉誓

寤生真可惡忍教老母黃泉住考叔純孝知有母寤生
對之慚愧否有弟有弟難餬口賢哉太叔能暴猛虎弗
傷手足吁嗟卒中陰謀毒陰謀毒譎計姦闕地入隧融
融然今日扶母出黃泉他時射王誇中肩

營菟裘

魯息姑太姑息不尸其位學讓國營菟裘吾將老何如
臺畔觀魚好祭鍾巫齋社圃變生肘腋由羽父攘兄臂
襲君位許田百里輕拋棄如齊笑飲諸兒酒登車竟死
彭生手

王心蕩

天方授楚漢陽同罹刀兵苦絞輕隨侈荆尸舉心不固
舉趾高莫敖之敗狃蒲騷王心蕩王無祿楚王死楚國
福營軍除道薨櫬木不謀婦人宜其死吁嗟乎鄧曼智
勝奇男子

及瓜代

青齊亂政無重賞葵邱之戍瓜時往及瓜期戍不已綏
綏雄狐見大豕射之人立啼聲哀門階牀戶屍成堆無
知旣殺小白來及瓜而代胡爲哉小白來出霸才

堂阜囚

爾射我鉤我稅爾囚稅爾囚霸諸侯朝爲階下俘暮爲
朝中佐生平鮑叔能知我齊桓才亦庸流亞假非管仲
焉能霸君不見仲父死桓公薨尸蟲出戶五子爭

公傷股

六鷁退飛隕石五商邱妖孽應茲父門官殲盡公傷股

公傷股愛二毛鼓儼阻隘休持刀仁義之師戰泓水何
如次雖不用淫昏鬼

河陽狩

駢其脅鹽其腦十九年人未老艱難險阻備嘗飽左鞭
弭右橐鞬取威定霸來中原來中原召天子河陽之狩
汗青史青史勲名剛八載生平恩怨今安在牛聲出柩
墨經興戎重耳死後猶英雄

賦黃鳥

嗟嗟秦穆不及蹇叔中壽木拱收兒骨二陵風雨聞鬼
哭聞鬼哭三帥歸悔過作誓行無違既不殺三帥何以

殲三良子車爲殉人云亡但聞交交黃鳥啼枯桑

小園初秋

瞥眼秋如此園亭雨後天枯蟬隨葉落瘦蝶抱花眠細
熨衫痕皺輕拋扇影圓劇憐貧士態憔悴晚風前

贈樊文卿之官楚北

滿城風雨故人來聽唱驪歌笑口開七載冷官辭苜蓿
一時名士出蒿萊論文曾校三倉字製錦方儲百里才
此去黃州尋舊蹟傍江應築仰蘇臺

浣花書屋已荒涼二十年前舊講堂衣鉢關心詢羯末

謂蔡生
竹生

詩文刮目譽元方家傳翰墨雕龍手人許功名

逐鹿場賤子未知能仕否早窺宦海歎茫茫

何必紗籠詔木天青袍黃綬亦神仙賞花莫負陶潛酒

煮茗重尋陸羽泉

泉在蘄水北鳳樓山下

指望飛鳧傳日下眼看

雛鳳起雲邊

詰嗣月槎景恆晴滄景升

題襟沾上人何在傾倒騷壇

倍惘然

梧侯師去冬謝世

子雲亭畔叫提壺燕市欣邀舊酒徒佳傳覓來千斛米

宦情贏得五車書果能到處稱廉吏差免逢人說腐儒

滄海鰕生翹首望雁聲莫遺落江湖

後禁煙行

煙花風月小揚州滿地寒鴉噪不休白水淘乾千巷哭

黃金括盡萬家愁將軍自附炎炎勢大張網罟矜才智
屢見殘煙惡鬼銷復看餘焰姦回熾羯奴生小不知兵
百萬軍中竄姓名猿鶴幽魂難破敵犬羊素性枉干城
口碑載道千人指北門鎖鑰今如此賣劍喜烹渤海牛
拔刀怒殺遼東豕早知馬上見功難何若煙中振羽翰
土偶素餐誰畫策火攻拔幟獨登壇武夫一倡書生和
貪狼曾在中山臥蠅營狗苟慕腥羶同誇悖入多財貨
壞雲片片逐啼鴉營卒喧阗晚更譁毒瘴濃迷三里霧
輕煙搜徧五侯家黔黎蒼赤藏無地黑壚白墳爭拋棄
買鐙鑽火誘愚氓向人詡詡稱廉吏大風吹海作波濤

白馬岡頭殺氣高，商賈萬金誰攫去。
太湖不信出楊么，將軍聞之心膽裂。
畫疆分境空饒舌，戰艦爭逃水上軍。
好官怕飲刀邊血，盜鈴掩耳苦支持。
藉口當年撤水師，海寇難擒恣游弈。
土民易罔半羈縻，士農工賈驚騷擾。
株連瓜蔓何時了，荏苒小醜儘跳梁。
偃旗息鼓無人討，穹蒼震怒驅祝融。
亂飄煙焰來東風，官衙倏變紅羊劫。
彷彿曹瞞赤壁攻，回邪喪魄回祿喜。
煙銷火滅鴉飛起，愛妾無端井底投。
佳兒何故阬中死，噫嘻乎鄂王兩語。
至今傳武臣不惜死，文臣不愛錢。
勳垂竹帛名燕然，海門烽火看全埽。
永禁千秋萬古煙。

冬日書懷

雄踞詞壇久窮冬氣更豪打窗風雪亂欹枕夢魂勞才
不文章重書因篆隸高埽除名士習飲酒讀離騷

歲暮送竹生弟入都

莫灑青衫淚窮途笑口開人情休怨命天意總憐才瘦
骨猶能壯雄心不可灰春風吹馬首重會古金臺
邊微荒寒地書生免一游中年當折節塵世且埋頭青
眼終能遇黃金莫漫畱防身三尺劍羞說報恩讎

梅莊詩鈔卷五

男復光校字